



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Senonen. & P. S. Mariae in via lata Diacono Card.
apostolicae sedis Legato.

urn:nbn:de:hbz:466:1-20006

Ecce ego convertar ad vos. Credimus etiam quod si ambulaveritis in lege Domini, non eorum sequentes vestigia qui vani facti sunt post vanitatem eunt, qui comessationibus & ebrietatibus voluptuose vacabant, & ea exercebant in partibus transmarinis quae in terra nativitatis propriae sine multa infamia & detractione plurima non auderent, sed spem vestram in eo solummodo posueritis qui non deserit sperantes in se, non tantum ab illicitis sed quibusdam etiam licitis abstinentes, is qui currum & exercitum Pharaonis projectis in mare, arcus fortium infirmabit, & inimicos crucis Christi à facie vestra debilitate ut luteum platearum, non nobis aut vobis sed nomini suo dans gloriam, qui est gloriofus in sanctis, mirabilis in maiestate, faciens prodigia, & post lacrymationem & fletum, gaudium & exultationem inducens. Ad hæc autem expeditius & melius exequenda vos, fratres Archiepiscopi, Nemausen, & Aurasicen. Episcopi, duximus deputandos, qui verbum Domini ceteris proponatis, & ad implendum mandatum apostolicum coepiscopos vestros & alios invitantes, taliter exequamini caufam Domini, quod & vos hujus sitis remissionis participes, & in hoc devotio vestra pleniū elucescat. ad quod etiam laudabilius exequendum vobis unum de fratribus militiae Templi, alterum verò de fratribus Hierosolymitani Hospitalis, viros honestos & providos, affumatis. Datum Reat. XVIII. Kal. Septembri.

In eundem modum scriptum est Lugdunen. & Vt enen. Archiepiscopis, Abbatibus quoque, Prioribus, & aliis Ecclesiarum Prelatis, Comitibus, & Baronibus, & universo populo in utraque provincia constitutis. In eundem modum universis de regno Francie, Angliae, Vngarie, & Siciliae.

**EPISCOPO ET CAPITVLO
Tarfisn.**

Eps. 337.
De collatione
Preposituræ
Tarfisne, que
jam erat ad Se-
dem devoluta.

Licet ex collata nobis à Domino plenitudine potestatis, & auctoritate Lateranen. Concilij, Preposituram Ecclesiæ vestrae, qua jam ultra duodecim annos (sicut accepimus certa relatione) vacavit, liberè conferre possemus, utpote cuius donatio ad nos jam est juxta idem Concilium devoluta, volumus tamen honori vestro deferre, ac vobis ex

nostro meritum comparare. Ideoque discretionem vestram rogamus, monemus, & exhortamur in Domino, & per apostolica scripta præcipiendo mandamus, quatenus dilectum filium B. Subdiacnum nostrum, quem sua nobilitatis, literaturæ, ac honestatis intuitu nos & fratres nostri sincerae caritatis brachiis amplexamur, in Präpositum Ecclesiæ vestrae ob reverentiam sedis apost. recipere non tardetis, cum integritate omnimoda in qua Präpositus aliquis eam unquam noscitur habuisse; in choro etiam stallum Präpositi ac locum in Capitulo ei sine difficultate qualibet assignet, facientes de necessitate virtutem, & mandatis nostris humiliter & devotè parentes, scituri quia quod de ipso incepimus, relinquemus nullatenus imperfectum. Ad hæc, auctoritate vobis praesentium districtiū inhibemus, ne post literarum nostrarum susceptionem alij cuiquam Präposituram ipsam præsumatis conferre, vel circa eam aliquid innovare. Quod si (quod non credimus) secus fuerit præsumptum à vobis, nos factum vestrum nullum esse decernimus, & carere prorsus robore firmitatis. Venerabili etiam fratri nostro Mantuan. Episcopo per apostolica scripta præcipiendo mandamus ut vobis in executione mandati nostri cessantibus, non obstante sacramento quod de non eligendo Präposito præstissem dicimini, cum eum id exequi vestro non sit juramento contrarium, & juramentum vestrum minùs videatur fuisse discretum, ipse subl. appellationis obstaculo de prædicta eum Präpositura auctoritate nostra investiat, & in corporalem possessionem inducat, stallum in choro & locum in Capitulo assignando, & quod fecerit, per censuram eccl. faciat inviolabiliter observari, contradictores eadem distictione compescens. Nullis literis obstat, &c. Datum Reat. Non. Augusti.

Illi scriptum est ut hoc faciat.

ARCHIEPISCOPO SE NON EN.

*& P.S. Marie in via lata Diacono
Card. apostolice sedis Legato.*

Constitutus in praesentia dilecti filij nostri G. sancti Angeli Diaconi Cardinalis Petrus Clericus, quem ei concesseramus & parti alteri auditorem, proposuit coram ipso, quod cum olim

Eps. 338.
Vt certus Ca-
nonicorum nu-
merus juramen-
to firmatus, non
augeatur.
Cap. Cöltitatus.
De rescriptis.

B b ij

bonæ memoriae C. Papa prædecessor noster dilectis filiis Dec. & Capitulo Bituricen. dederit in mandatis ut ipsum in Canonicum reciperent & in fratrem, & præbendam ei conferrent, si qua tunc in eorum vacaret Ecclesia, vel proximò vacaturam, venerabile fratre nostro Bituricen. Archiepiscopo ei monitore concessò, & si ipsi mandatum ejus admittere non curascent, eis præcipiendo mandauit ut quod eis mandaverat adimplerent; dicto Archiepiscopo & venerabile fratre nostro Claromonten. Episcopo super hoc executoribus deputatis. Interim autem Capituli nuncius ad apostolicam sedem accedens, cum suggesisset ipsum P. in pluribus Ecclesiis habere præpendas, Bituricen. Ecclesiam ab ejus obtinuit impetitione absolvit; indulgentia etiam impetrata, ne infra triennium aliquem recipere in fratrem cogerentur. Cumque postmodum idem P. ad Ecclesiam Romanam reversus, eidem prædecessori nostro exponere curavisset quod licet in Claromonten. Ecclesia quoddam beneficium, quod concedi etiam laicis consuevit, & familiaritas appellatur, fuisset adeptus, & ex ipso tamen, vel alio, quod haberet, non posset commode sustentari, idem prædecessor noster dictis Decano & Capitulo per suas literas injunxit ut prædicta indulgentia in suo robore permanente, præbendam, quæ post triennium primò vacaret, ipsi conferrent, interim autem ei stallum in choro & locum in Capitulo assignarent, executione hujus mandati dilecto filio Claromonten. Præposito delegata: qui, sicut ex ejus literis manifestè liquebat, cum dictos Decanum & Capitulum ad implendum mandatum apostolicum diligenter monuisset, nec profecisset in aliquo, dictum P. de præbenda primò post triennium vacatura auctoritate curavit apostolica investire, ei stallum in choro & locum in Capitulo concedendo. Verum dilectus filius P. Rossignos ex adverso respondit quod cum in Bituricen. Ecclesia certus esset Canonicorum numerus institutus, firmatus jurejurando, & per multos Romanos Pontifices confirmatus, & de hoc memoratus P. non fecisset in suis literis mentionem, intelligendus erat circumvenisse prædecessorem nostrum, & dictas literas veritate tacita impetrasse. Licet enim cum in aliqua Ecclesia certus statuitur numerus,

hæc apponatur conditio, vel intelligatur apponi, *Salva sedis apostolice auctoritate*; non tamen erat credendum quod eum certa scientia contra juramentum eorum recipi mandavisset, cum de hoc in ejus literis nihil fuisse expressum. Nos igitur de prædictis per memoratum Cardinalem instructi, discretioni vestrae per apostolica scripta præcipiendo mandamus quatenus si legitimè vobis constituit numerum Canonicorum, qui nunc est in Ecclesia, else per Decanum & Capitulum ejusdem Ecclesiæ juramento firmatum antequam prædictus Clericus à prædecessore nostro literas executorias impetrasset, quicquid factum est occasione literarum quas idem Clericus à sede apostolica impetrasse dignoscitur, casum & irritum decernatis haberi: alioquin ei faciat in eadem Ecclesia præbendam (si qua vacat) sublato cujuslibet appellationis obstaculo assignari; contradicentes, si qui fuerint, per districtiōnem eccl. appellatione postposita compescentes: provisuri attentiū quod ita super hoc mandatum nostrum adimplere curetis, quod eundem Clericum non oporteat deinceps ad nos iterare laborem. Quia sicut nolumus injusta præcipere, sic cum justa præcipimus, volumus efficaciter exaudiri. Nullis literis ob. harum tenore tacito &c. Quod si ambo &c. alter vestrum &c. Datum Sporet XI. Kal. Septembri.

*EPISCOPO ET CANONICIS
Hyporien.*

Epis. 139.
De receptione
Iohannis Papz
Subdiaconi ad
archidiaconatum. Pro his & nos fiducialius deprecatur, & ab aliis preces nostras facilius credimus exaudiri, quibus ad obtinendum quod petimus, nobis etiam non rogantibus, sufficienter eorum merita suffragantur. Sanè nobilitatem generis, honestatem morum, consilij maturitatem, & munus scientiæ dilecti filii Boni Iohannis Subdiaconi nostri, nobis & fratribus nostris propter hoc ac propter obsequium Ecclesiæ in multis impensum accepti, vos ignorare non credimus; & ideo à vobis pro ipso nos credimus tanto libenter audiendos, quanto vobis sunt ejus merita notiora, & quod Ecclesia vestra per eum apud nos gratius debeat in suis necessitatibus exaudiri, pleniùs agnoscitis. Inde est quod cum in Ecclesia vestra vacet archidiaconatus officium, de quo tu, frater Episcope, di-